

四庫全書

史部

欽定四庫全書

大唐開元禮卷五十六

唐 蕭嵩等 撰

吉禮

皇帝巡狩告於園丘

齋戒

陳設

鑾駕出宮

親告

鑾駕還宮

齋戒

將告有司卜日如別儀前一日皇帝齋於太極殿如郊祀

之儀凡預告之官清齋於告所近侍之官應從升者各於本司清齋一宿諸衛令其屬晡後一刻各以其方器服守衛壝門清齋一宿

陳設

前告三日尚舍直長設大次於外壝東門之外道北南向尚舍奉御鋪御坐衛尉設文武侍臣次於大次之後文官在左武官在右俱南向又設告官及從駕羣官次各於常所設陳饌幔於內壝東門之內道南北向前二日太樂令設宮懸

之樂於壇南設登歌舉麾位於壇上並如常儀前一日右校掃除壇之内外郊社令積柴於燎壇壇方一丈二尺開上南出戶

高四尺奉禮設御位於壇之東南西向

將告奉禮一人守之在版位西南五步西向設

望燎位當柴壇之北南向設告官及從駕羣官版位於内外如常

儀郊社令帥府史一人及齋郎以樽坩罍洗篚簋及玉帛之篚入設

於位並如常儀執樽罍篚簋者各位於樽罍篚簋之後告曰未明

五刻太史令郊社令升設昊天上帝坐於壇上北方南向席以藁秸設

神位於坐首告曰未明十刻太官令帥宰人以鸞刀烹牲於厨

鑾駕出宮

皇帝服袞冕之服乘玉輅備大駕及嚴鼓時刻奏請進發
內外器服皆如常儀

親告

其日未明三刻諸告官各服其服郊社令良醞令各帥其
屬入實樽罍玉幣

太尊寔以汎齊凡尊皆二具玄酒
各寔于上尊禮神之玉以蒼璧其

幣亦
蒼

太官令帥進饌者寔籩豆簠簋入設於內壝之東

門外饌幔內未明二刻奉禮率贊者先入就位贊引引

御史太祝以下入行掃除如常儀訖各引就位駕將至
謁者贊引各引告官以下及從告羣臣客使先至者俱
就門外位駕至大次門外迴輅南向千牛將軍降立
於輅右侍中進當鑾駕前跪奏稱侍中臣某言請降輅
俛伏興還侍位皇帝降輅之大次協律郎太樂令帥工
人各入就位凡升壇者皆脫履於下降納如常皇帝停大次半刻謁者
贊引各引從駕羣官入就位太常博士引太常卿立於
大次門外當門北向侍中版奏外辨皇帝服太裘而冕出

次華蓋侍衛如常儀

侍中負寶
陪從如常

博士引太常卿太常卿

引皇帝

凡太常卿前導
皆博士先引

至內墻門外殿中監進鎮珪華

蓋仗衛侍於大門外近侍者從入如常謁者引禮部尚

書太常少卿陪從如常皇帝至版位西向立通事舍人

各引從告官及諸王介公鄺公諸方客使以次入就位

立定太常卿前奏稱請再拜退復位皇帝再拜奉禮曰

衆官再拜贊者承傳

凡奉禮有詞
贊者皆承傳

衆官在位者皆再拜

太常卿前奏有司謹具請行事退復位協律郎跪俛伏

興舉麾鼓祝奏豫和之樂乃以圜鐘之均奏文舞之舞

六成偃麾戛鼓樂止

凡樂皆協律郎舉麾工鼓祝而後作偃麾戛鼓而後止

太常

卿前奏稱請再拜退復位皇帝再拜奉禮曰衆官再拜

衆官皆再拜諸太祝俱取玉幣於篚各立於尊所太常卿引皇

帝太和之樂作皇帝詣壇升自南陛近侍者從升如常儀皇帝

升壇北向立樂止太祝加玉於幣以授侍中侍中奉玉幣東

向進皇帝受玉帛登歌作肅和之樂太常卿引皇帝進

北向跪奠於天帝神坐俛伏興太常卿引皇帝稍退北

向再拜訖登歌止樂作皇帝降自南陛還版位西向立
樂止初羣官拜訖謁者引司徒太官令出帥進饌者奉
饌陳於內壝東門之外司徒奉天帝之俎皇帝既至位
樂止太官令引饌入俎初入門雍和之樂作饌至階樂
止饌升於南陛太祝迎引於壇上各設於神坐前設訖
謁者引司徒以下降自東陛復位諸太祝各還尊所太
常卿引皇帝詣盥洗樂作皇帝至盥洗樂止侍中跪取
匱興沃水又侍中跪取盤興承水皇帝盥手黃門侍郎

取巾於篚興進皇帝悅手訖受巾跪奠於篚遂取匏爵
於篚興進皇帝受爵侍中酌壘水又侍中奉盤皇帝
洗爵黃門侍郎又授巾皆如初皇帝拭爵訖侍中奠盤
匱黃門侍郎受巾奠於篚皆如常太常卿引皇帝樂作
皇帝詣壇升自南陛樂止近侍者從升如常謁者引司
徒升自東陛立於樽所齋郎奉俎從升立於司徒之後太
常卿引皇帝詣天帝酒樽所執樽者舉罍侍中贊酌汎
齊訖壽和之樂作

皇帝每酌獻及飲福
酒皆作壽和之樂

皇帝進天帝神

坐前北向跪奠爵俛伏興太常卿引皇帝少退北向立

樂止太祝持版進於神坐之右東向跪讀祝文

祝文臨時撰

訖興皇帝再拜初讀祝文訖樂作太祝進奠版於神坐

還樽所太常卿引皇帝進天帝座前北向立樂作太祝以爵

酌壘福酒合置一爵一太祝持爵以授侍中侍中受爵西向

進皇帝再拜受爵跪祭酒奠爵俛伏興諸太祝各帥齋郎進俎

太祝減神前胙肉加於俎興以胙肉共置一俎上授司徒司徒

奉俎西向進皇帝受以授左右皇帝跪取爵遂飲卒爵侍中進

受爵以授太祝太祝受爵復於堦皇帝俛伏興再拜樂止太常卿引皇帝樂作皇帝降自南陛還版位西向立樂止謁者引司徒降復位太祝各進徹豆還樽所奉禮曰賜胙贊者唱衆官再拜衆官在位者皆再拜樂作太常卿前奏稱再拜退復位皇帝再拜奉禮曰衆官再拜衆官皆再拜樂一成止太常卿前奏請就望燎位太常卿引皇帝樂作皇帝至望燎位南向立樂止於羣官將拜諸太祝各以篚進神坐前取玉帛祝版齋郎以俎載牲體

稷黍飯爵酒興各自其陛降壇南行當柴壇南東行自南陛登柴壇以玉幣饌物置於柴上訖奉禮曰可燎東西面各四人炬燎火半柴太常卿前奏禮畢太常卿引皇帝出內闕門殿中監前受鎮圭華蓋侍衛如常儀皇帝入次樂止謁者贊引各引從告官及從駕群官諸方客使以次出贊引引御史以下俱復執事位立定奉禮曰再拜御史以下皆再拜贊引引出工人以下以次出

鑾駕還宮

皇帝既還大次侍中版奏請解嚴

將士不得
輒離部伍

皇帝改服

通天冠絳紗袍乘金輅鼓吹振作奏請還宮如常儀

大唐開元禮卷五十六

欽定四庫全書

大唐開元禮卷五十七

唐 蕭嵩等 撰

吉禮

巡狩告園丘有司攝事

將告有司卜日如別儀前二日守宮設告官以下次各依常所設陳饌幔於內壇東門之外道北南向右校掃除壇之内外郊社令積柴於燎壇前一日諸告官清齋於告所諸衛令其屬晡後一刻各以其方器服守衛壇門

奉禮設版位內外並如常儀郊社令帥其屬以樽坫罍
洗篚罍入設皆如常儀執樽罍篚罍者各位於樽罍篚
罍之後太官令預饌酒脯醢告日未明四刻太史令郊
社令各服其服升設神位席如常未明三刻諸告官各

服其服郊社令良醞令之屬入實樽罍及玉幣

天帝太尊二
著尊二一實

以明水為上一實以醴齊次之山罍各二一實
以玄酒為上一實清酒次之玉以蒼璧幣以蒼

太祝以玉帛

置於篚設於饌所未明二刻奉禮帥贊者先入就位贊
引引御史太祝以下入行掃除如常儀訖各就位未明

一刻謁者引告官以下俱就門外位立定又謁者引告

官贊引引執事者次入就位立定奉禮曰再拜贊者承

傳

凡奉禮有詞贊者皆承傳

告官以下皆再拜謁者進告官之左白

有司謹具請行事奉禮曰再拜在位者皆再拜初謁者

白請行事太官令出帥饌者奉饌陳於東門之外初太

官令出太祝跪取玉於篚興立於樽所謁者引告官升

自午陞北向立太祝以玉東向授告官受玉進北面跪

奠於天帝神座俛伏興少退北向再拜謁者降還本位太祝

還樽所太官令引饌入自午陞太祝迎引於壇上設於

神坐前

籩豆蓋罍
徹之如式

設訖太官令以下降自東陞復位諸

太祝各還樽所謁者引告官詣罍洗盥手洗爵訖升自

南陞詣天帝酒樽所執樽者舉罍告官酌醴齊謁者引

告官詣天帝神坐前北向跪奠爵俛伏興少退北向

立太祝持版進於神坐之右東向跪讀祝文

祝文臨
時撰

訖興告官再拜太祝進跪奠版於神坐興還樽所告官

拜訖謁者引告官進天帝神坐前北向立太祝以爵酌

壘福酒合置一爵一太祝持爵進告官之右西向立告官
再拜受爵跪祭酒遂飲卒爵太祝進受爵復於坫告官俛
伏興再拜訖謁者引告官降復位太祝各進跪徹豆俛伏
興還樽所奉禮曰再拜告官及再位者皆再拜謁者進
告官之左白請就望燎位謁者引告官就望燎位南向
立初衆官將拜太祝取玉幣及祝版置於柴上戶內柴
東西各四人以炬燎火半柴謁者進告官之左白禮畢
謁者引告官贊引引執事者以次出御史以下俱復執

事位立定奉禮曰再拜御史以下皆再拜贊引引出

大唐開元禮卷五十七

欽定四庫全書

大唐開元禮卷五十八

唐 蕭嵩等 撰

吉禮

皇帝巡狩告於太社

齋戒

陳設

鑾駕出宮

薦玉帛

進熟

鑾駕還宮

齋戒

將告有司卜日如別儀前一日皇帝清齋於太極殿諸
預告之官清齋於太社署近侍之官應從升者及羣官
客使等各於本司及公館清齋一宿諸衛令其屬晡後
一刻各以具方器服守衛社宮門與樂工人俱清齋一
宿

陳設

前告三日尚舍直長設大次於社宮西門之外道北南
向尚舍奉御鋪御坐守宮設文武侍臣及從駕羣官次

各於常所前二日太樂令設宮懸之樂於壇北各設登歌及舉麾位各於壇上並如常儀右校清掃內外又為瘞瘠二於樂懸之北如常前一日奉禮設御位於北門之內當社壇南向設告官及從駕羣官版位於內外如常儀郊社令帥府史二人及齋郎以樽坩洗篚罍入設皆如常儀執樽罍篚罍者各位於樽罍篚罍之後告曰未明十五刻太官令帥宰人烹牲於厨

牲用黑牛二齋郎以豆取牲血如常

未明四刻太社令郊社令各服其服升設神坐席位如常

鑾駕出宮

皇帝服袞冕乘玉輅陳大駕鹵簿其嚴鼓時刻奏請進發內外器服皆如常儀

薦玉帛

其日未明三刻諸告官各服其服郊社令良醞令各帥

其屬入實樽蠶玉幣

太尊實以醴齊配坐之象尊其實亦如之其明水各實于上尊玉俱

以兩珪有邸

太祝各以幣置於篚

幣隨牲色各長一丈八尺

太官令帥進

饌者實諸籩豆簋簠等皆設於神厨未明二刻奉禮帥贊

者先入就位贊引引御史太祝以下行掃除如常儀訖
各引就位車駕將至謁者贊引各引告官以下及從升
羣官客使先至者俱就門外位駕至大次門外迴輅南向千
牛將軍降立於輅右侍中進當鑾駕前跪奏稱侍中臣
某言請降輅俛伏興還侍位皇帝降輅之大次郊社令以
祝版進署如常謁者贊引各引從駕羣官俱就門外位
奉禮帥贊者先入就位贊引引御史及諸太祝與執樽壘
篚罍者亦就位太樂令帥工人次入就位

升堂者皆
脫履於下降

納如式

通事舍人各引告官及從告羣官客使次入就位

皇帝停大次半刻頃太常博士引太常卿立於大次門外北向侍中版奏外辦皇帝出次華蓋侍衛如常儀博

士引太常卿太常卿引皇帝

凡太常卿前導皆博士先引

至社宮北

門外殿中監進鎮珪華蓋仗衛停於門外近侍者從入

如常皇帝至版位南向立

每立定太常卿與博士退立於左

太常卿前

奏請再拜退復位皇帝再拜奉禮曰衆官再拜贊者承

傳

凡奉禮有詞贊者皆承傳

衆官在位者皆再拜太常卿奏有司謹

具請行事退復位協律郎跪俛伏興舉麾鼓祝奏順和

之樂以函鐘之均樂八成偃麾戛敔樂止

凡樂皆協律郎舉麾工鼓

祝而後作偃麾戛敔而後止

太常卿前奏再拜退復位皇帝再拜奉

禮曰衆官再拜衆官在位者皆再拜諸祝俱取玉幣於

篚各立於樽所太常卿引皇帝太和之樂作

皇帝每行皆作太和

樂之皇帝詣太社壇升自北陛近侍者從升如常儀皇帝

升壇南向立樂止太祝加幣玉以授侍中侍中奉玉幣

西向進皇帝受玉幣登歌作肅和之樂以應鐘之均

太常卿引皇帝進南面跪奠於太社神前俛伏興太常卿引皇帝少退南向再拜太常卿引皇帝立於東方西向又太祝以幣授侍中侍中奉幣南面進皇帝受幣太常卿引皇帝進西向跪奠於后土氏神坐俛伏興太常卿引皇帝少退西向再拜訖登歌止太常卿引皇帝降自北陸樂作太常卿引皇帝詣太稷壇升奠玉幣於太稷氏后稷氏升降皆如太社壇訖太常卿引皇帝降自北陸樂作皇帝還版位南向立樂止

進熟

皇帝既升奠玉幣太官令出帥進饌者奉饌陳於西門之外司徒奉太社之俎初皇帝既至位樂止太官令引太社太稷之饌入自正門后土后稷之饌入自左門俎初入門雍和之樂作饌至陞樂止太社太稷之饌升自北陞后土后稷之饌升自西陞諸祝迎引於壇上各設於神坐前訖謁者引司徒以下降復位諸祝各還樽所太常卿引皇帝詣壘洗樂作皇帝至壘洗樂止侍中跪

取匱興沃水又侍中跪取盤興承水皇帝盥手黃門侍中跪取巾於篚興進皇帝悅手訖受巾跪奠於篚遂取爵於篚興進皇帝受爵侍中酌巵水又侍中奉盤以承水皇帝洗爵黃門侍郎又授巾如初皇帝拭爵訖侍中奠盤匱侍中受巾奠於篚太常卿引皇帝樂作皇帝詣太社壇升自北陛樂止近侍者從升如常謁者引司徒升自西陛立于樽所齋郎奉俎從升立於司徒之後太常卿引皇帝詣太社酒樽所執樽者舉畢侍中贊酌醴齊訖壽和之樂作

皇帝每酌獻及飲福皆作壽和之樂

太常卿

引皇帝進太社神坐前南向跪奠爵俛伏興太常卿引皇帝

少退南向立樂止太祝持版進於神坐之右西向跪讀祝文訖

祝文

臨時撰

皇帝再拜初讀祝文訖樂作太祝進跪奠版於神坐興還

樽所皇帝拜訖樂止太常卿引皇帝詣后土酒樽所執樽者舉

羣侍中取爵於坩進皇帝受爵侍中贊酌醴齊訖樂作太常卿

引皇帝進后土神坐前向西跪奠爵俛伏興太常卿引皇帝少退

西向立樂止太祝持版進於神坐之左南向跪讀祝文訖興皇帝再

拜初讀祝文訖樂作太祝進跪奠版於神坐興還樽所皇帝拜

訖樂止太常卿引皇帝詣太社神座前南向立樂作太祝以爵酌鬯福酒合置一爵一太祝持爵以授侍中侍中受爵東向以進皇帝再拜受爵跪祭酒啐酒奠爵俛伏興諸祝帥齋郎進俎太祝減太社神前胙肉太祝以俎授司徒司徒奉俎東向進皇帝受以授左右皇帝跪取爵遂飲卒爵侍中進受爵以授太祝太祝受爵復於圜皇帝俛伏興再拜樂止太常卿引皇帝樂作皇帝降自北陛詣罍洗樂止謁者引司徒升自西陛立於樽所皇帝至罍洗盥手洗

爵侍中黃門侍郎贊洗如常訖太常卿引皇帝樂作皇帝詣太稷壇升自北陛樂止皇帝酌獻太稷后稷皆如太社后土之儀訖太常卿引皇帝降自北陛樂作皇帝還版位南面立樂止謁者引司徒降復位登歌作諸祝各進徹豆還樽所

徹者籩豆各一少移於故處

奉禮曰賜胙贊者唱衆

官再拜衆官在位者皆再拜

已飲福受胙者不拜

樂作太常卿前

奏再拜退復位皇帝再拜奉禮曰衆官再拜衆官在位者皆再拜樂一成止太常卿前奏請就望座位太

常卿引皇帝樂作皇帝至望瘞位南向立樂止於羣官
將拜諸祝各執篚進神坐前取玉帛齋郎以俎載牲體
稷黍飯爵酒各由其陸降壇南行當瘞塹西行諸祝以
玉帛饌物置於塹訖奉禮曰可瘞塹東西面各四人寘
土半塹太常卿前奏禮畢太常卿引皇帝還大次樂作
皇帝出門殿中監前受鎮珪華蓋侍衛如常儀皇帝如
次樂止謁者贊引各引告官及從駕羣官以次出贊引
引御史以下俱復執事位立定奉禮曰再拜御史以下

皆再拜贊引引出工人以次出其祝版燔於齋坊

鑾駕還宮如常儀

大唐開元禮卷五十八

欽定四庫全書

大唐開元禮卷五十九

唐 蕭嵩等 撰

吉禮

巡狩告於大社有司攝事

將告有司卜日如別儀前二日守宮設告官以下次各
於常所右校清掃内外又為瘞瘳二如常前一日諸告
官清齋於社所諸衛令其屬晡後一刻各以其方器服
守衛社宮門奉禮設版位於内外並如常儀郊社令帥

其屬以樽坵罍洗篚罍者位於樽罍洗篚罍之後太官
令預饌酒脯醢告日未明四刻太史令郊社令各服其
服設神位席如常未明三刻諸告官各服其服郊社令
良醢令之屬入實樽罍及玉

正坐太尊二一寔明水為上
一實醴齊次之配坐象樽二

其實亦如之皆山罍二一實玄酒
為上一實清酒次之玉兩珪有卣

太祝各以幣置於篚

設於饌所

幣以黑長
一丈八尺

未明二刻奉禮帥贊者先入就位贊

引引御史太祝以下入行掃除如常儀質明謁者引告

官以下俱就門外位奉禮帥贊者先入就位贊引引執

事者次入就位立定奉禮曰再拜贊者承傳

凡奉禮有詞贊者皆

承傳

告官以下皆再拜謁者進告官之左白有司謹具請

行事退復位奉禮曰再拜在位者皆再拜初白請行事

太官令出帥進饌者奉饌陳於西門之外初太官令出

太祝跪取玉於篚興各立於樽所謂者引告官詣大社

壇升自北陞南向立太祝以玉幣西向授告官受玉幣

進南向跪奠於大社神坐俛伏興少退南向再拜謁者引

告官降自北陞詣太稷壇升奠玉幣如大社之儀訖

謁者引降還本位太祝各還樽所太官令引饌入太社
太稷之饌入自正門配坐之饌入自左闥各由其陞升
諸太祝迎引於壇上各設於神坐前

遷豆蓋畢
徹之如式

設訖太

官令以下降自西陞復位諸大祝各還樽所謁者引告
官詣罍洗盥手洗爵訖詣大社壇升自北陞詣大社酒
樽所執樽者舉罍告官酌醴齊謁者引告官進大社神
坐前南向跪奠爵俛伏興少退南向立太祝持版進於
神坐之右西向跪讀祝文

祝文臨
時撰

訖興告官再拜太祝

進跪奠版于神座俛伏興還樽所告官拜訖謁者引告
官詣后土氏酒樽所取爵於坵執樽者舉竊告官酌醴
齊訖謁者引告官進后土氏神坐前西向跪奠爵俛伏
興少退西向立太祝持版進於神坐之左南向跪讀祝
文訖興告官再拜太祝進跪奠版於神坐俛伏興還樽
所告官拜訖謁者引告官詣太社神坐前南面立太祝
各以爵酌壘福酒合置一爵一太祝持爵進告官之右
東向立告官再拜受爵跪祭酒遂飲卒爵太祝進受爵

復於坵告官俛伏興再拜訖謁者引告官降自北陛詣
壘洗盥手洗爵謁者引告官詣太稷壇北陛升獻太稷
后稷如太社之儀訖引告官降復位諸祝各進跪徹豆
俛伏興還樽所奉禮曰再拜在位者皆再拜已飲福者不拜奉
禮曰再拜告官以下皆再拜謁者進告官之左白請就
望瘞位謁者引告官就望瘞位南向立於衆官將拜諸
祝各以篚於神坐前取幣寘諸坵奉禮曰可瘞左右各四
人寘土半坵謁者進告官之左白禮畢謁者引告官贊

引引執事者以次出御史太祝以下俱復執事位立定
奉禮曰再拜御史以下皆再拜贊引引出其祝版燔於
齋坊

大唐開元禮卷五十九

欽定四庫全書

大唐開元禮卷六十

唐 蕭嵩等 撰

吉禮

皇帝巡狩告於太廟

齋戒

陳設

鑾駕出宮

晨裸

饋食

鑾駕還宮

齋戒

將告有司卜日如別儀前一日皇帝清齋於太極殿凡預告之官清齋於廟所近侍之官應從升者及羣官客使等各於本司及公館清齋一宿諸衛令其屬晡後一刻各以其方器服守衛廟門與太樂工人俱清齋一宿

陳設

前告三日尚舍直長施大次於廟東門之外道北南向尚舍奉御鋪御坐守宮設文武侍臣之次於大次之後文官在左武官在右俱南向又設告官及從駕羣官次

各於常所前二日太樂令設宮懸之樂於廟庭設登歌
及舉麾位於殿上並如常儀右校清掃內外前一日奉
禮設御位於廟東階東南西向設告官及從駕羣官版
位於內外如常儀設酒樽之位於堂上前楹間各於室
戶外之左北向每室春夏鷄彝一鳥彝一犧樽二秋冬
羊彝一黃彝一著樽二皆加勺罍俱西上各有所實

珪璋

贊設罍洗篚罍於常所

篚實以珪璋巾爵

執樽罍篚罍者各位

於樽罍篚罍之後太廟令整拂神幄又帥府史齋郎以

樽坩罍洗篚冪入設於位告日未明十五刻太官令帥宰人以鸞刀烹牲於厨每室各犢一

鑾駕出宮如常儀

晨裸

其日未明三刻諸預告之官各服其服太官令良醢令

各帥其屬入實樽罍

鷄彝尊彝犧尊之上實以明水鳥彝黃彝寔以鬱鬯著尊寔以醴齊

太官令帥進饌者實諸籩豆簠簋等未明二刻奉禮帥贊者先入就位贊引引御史太祝以下入行掃除如常

儀訖各引就位未明一刻贊引引太廟令太祝宮闈令入當階間北面西上立定奉禮曰再拜贊者承傳太廟令以下皆再拜升自東階入開堦室奉出獻祖以下九室神主各置於座如常儀訖各就位駕將至謁者贊引各引告官以下通事舍人分引從羣官客使先至者俱就門外位駕至大次門外迴輅南向千牛將軍降立於輅右侍中進當鑾駕前跪奏稱侍中臣某言請降輅俛伏興還侍位皇帝降輅之大次太廟令以祝版進署如常

通事舍人各引從駕群官俱就門外位太樂令帥工人

次入就位

其升堂者皆脫履於下降納如常

謁者贊引各引告官及從

官客使次入就位皇帝停大次半刻頃太常博士引太

常卿立於大次門外當門北向侍中版奏外辦皇帝出

次華蓋侍衛如常儀博士引太常卿太常卿引皇帝

凡太

常卿前導皆博士先引

廟門外殿中監進鎮珪華蓋仗衛停於門

外近侍者從入如常皇帝至版位西面立太常卿前奏

稱請再拜退復位皇帝再拜奉禮曰衆官再拜衆官在

位者皆再拜

其先拜者不拜

太常卿前奏有司謹具請行事退

復位協律郎跪俛伏興舉麾

凡取物者皆跪俛伏而取以興奠物則奠訖訖俛伏而

後興鼓祝奏永和之樂乃以黃鐘之均九成

黃鐘三奏大呂太簇

應鍾各再奏也

偃麾戛敔樂止

凡樂皆協律郎舉麾工鼓祝而後作偃麾戛敔而後止

太常

卿前奏請再拜退復位皇帝再拜奉禮曰衆官再拜衆

官在位者皆再拜太常卿引皇帝詣罍洗太和之樂作

皇帝每行皆作太和之樂

皇帝至罍洗樂止侍中跪取匱興沃水又

侍中跪取盤興承水皇帝搢鎮珪

凡受物則搢鎮珪奠訖執珪俛伏興皇

帝盥手黃門侍郎跪取巾於篚興進皇帝悅手訖黃門
侍郎受巾跪奠於篚黃門侍郎又取珪瓚於篚進皇帝
受瓚侍中酌盪水又侍中奉盤皇帝洗瓚黃門侍郎又
授巾皆如初皇帝拭瓚訖侍中奠盤區黃門侍郎受巾
奠於篚皆如常太常卿引皇帝樂作皇帝升自阼階樂
止侍中中書令以下及左右侍衛量人從升太常卿引
皇帝詣獻祖樽罍所執樽者舉罍侍中贊酌鬱酒訖登
歌作肅和之樂以圜鐘之均

自後登歌
皆用圜鐘

太常卿引皇帝

入詣獻祖神座前北向跪以鬯裸地奠之俯伏興太常卿引皇帝出戶北向再拜訖太常卿引皇帝詣懿祖樽彝所執樽者舉冪侍中取瓚於坫進皇帝受瓚侍中贊酌鬱酒訖太常卿引皇帝入詣懿祖神坐前北向跪以鬯裸地奠之俛伏興太常卿引皇帝出戶北向再拜訖太常卿引皇帝次裸太祖次裸高祖次裸太宗次裸高宗次裸中宗次裸睿宗並如上儀訖登歌止太常卿引皇帝樂作皇帝降自阼階至版位樂止

饋食

皇帝既升裸太官令出帥進饌者奉饌陳於東門之外
謁者引司徒詣饌所司徒奉獻祖之俎初皇帝既至位
樂止太官令引饌入自正門俎初入門雍和之樂作以
無射之均

籩豆蓋畢
徹之如式

設訖謁者引司徒以下降復位諸

祝各還樽所太常卿引皇帝詣罍洗樂作皇帝至罍洗
樂止皇帝盥手洗爵侍中黃門侍郎贊洗皆如晨裸之
儀訖太常卿引皇帝樂作皇帝升自阼階訖樂止太常
卿引皇帝詣獻祖樽藝所執樽者舉罍侍中贊酌醴齊

訖壽和之樂作

皇帝酌獻飲福皆作壽和之樂

太常卿引皇帝詣獻祖

神坐前北面跪奠爵俛伏興太常卿引皇帝出戶北向

立樂止太祝持版進於室戶外之右東面跪讀祝文

祝文

臨時撰

訖興皇帝再拜初讀祝文訖樂作太祝入跪奠版

於神坐前興出還樽所皇帝拜訖樂止太常卿引皇帝

詣懿祖樽彝所執樽者舉冪侍中取爵於坫進皇帝受

爵侍中贊酌醴齊訖太常卿引皇帝以次獻皆如懿祖

之儀

惟不盥洗

訖太常卿引皇帝詣東序西向立樂作皇帝

獻將畢謁者引司徒升自東階立於前楹之間北面諸祝各
以爵酌福酒合置一爵一太祝持爵以授侍中侍中受
爵北向進皇帝再拜受爵跪祭酒啐酒奠爵俛伏興諸
祝各帥齋郎持俎進太祝減神前胙肉又以籩取稷黍
飯皆如常還樽所以黍稷飯共置一籩以胙肉共置一俎
上先以飯授司徒司徒奉進皇帝受以授左右又以俎
授司徒司徒奉進皇帝受以授左右皇帝跪取爵遂飲
卒爵侍中進受爵以授太祝太祝受爵復於坫皇帝俛

伏興再拜樂止太常卿引皇帝樂作皇帝降自阼階還版位西向立樂止謁者引司徒降復位登歌作諸祝各入室徹豆出還樽所

徹者遠豆各一少移於故處

登歌止奉禮曰賜

胙贊者唱衆官再拜衆官皆再拜樂作太常卿前奏稱請再拜退復位皇帝再拜奉禮曰衆官再拜衆官皆再拜樂一成止太常卿前奏禮畢太常卿引皇帝出門樂止殿中監前受鎮珪華蓋侍衛如常儀皇帝入次謁者贊引各引在位者以次出贊引引御史太祝以下俱復

執事位立定奉禮曰再拜御史以下皆再拜贊引引出
工人以次出太廟令太祝宮闈令納神主如常儀其祝
版燔於齋坊

鑾駕還宮如常儀

大唐開元禮卷六十

欽定四庫全書

大唐開元禮卷六十一

唐 蕭嵩等 撰

吉禮

巡狩告於太廟有司攝事

前二日守宮設告官以下次各於常所右校清掃內外
又為瘞瘠於北門之內道西方深取足容物前一日諸
告官清齋於廟所諸衛令其屬晡後一刻各以其方器
服守衛廟門奉禮設版位於內外並如常儀設望瘞位

於堂之東北當墜堦西向又設奉禮位於墜坎東北向
贊者二人在西少退太廟令拂拭神幄又帥其屬以樽
坩蠶洗篚罍制幣之篚入設皆如常儀執樽蠶篚罍者
各立於樽蠶篚罍之後太官令預饌酒脯醢告日未明
三刻諸官以下各服其服太廟令良醢令之屬入實樽
蠶及玉幣每室春夏用兩犧尊秋冬用兩著尊一實明
水為上一實以醴齊次之山蠶二一實全酒為
上一實清酒次之幣
以白各長一丈八尺未明二刻奉禮帥贊者先入就位
贊引引御史太祝以下再拜入行掃除如常儀訖各就

位未明一刻贊引引太廟令太祝宮闈令入當階間北面西

上立定奉禮曰再拜贊者承傳

凡奉禮有詞贊者皆承傳

太廟令以下皆再

拜升自東階入開塹室奉禮出獻祖以下九室神主各置於

坐如常儀訖各就位謁者引告官以下俱就門外位質明謁者

引告官以下贊引引執事者次入就位立定奉禮曰再拜告官

以下皆再拜

其先拜者不拜

謁者進告官之左白有司謹具請行事

退復位奉禮曰再拜在位皆再拜初白請行事太官令帥進

饌者奉饌陳於東門之外初太官令出諸太祝俱取幣於篚

各立於樽所謁者引告官升自東階詣獻祖廟室戶前北面立太祝以幣東向授告官受幣進北面跪奠於獻祖神坐俛伏興出戶北面再拜訖謁者引告官次進幣於懿祖以下皆如上儀訖謁者引還本位諸太祝各還樽所太官令引饌入自正門各由其陞升諸太祝迎引於階上各設於神坐前訖太官令以下降復位諸太祝各還樽所謁者引告官詣壘洗盥手洗爵訖升自東階詣獻祖酒樽所執樽者舉罍告官酌醴齊謁者引告官入詣獻祖神坐前北向跪奠爵俛伏

興出戶北向立太祝持版進於室戶外之右東面跪讀

祝文

祝文臨時撰

訖興告官再拜太祝進跪奠版於神坐俛

伏興還樽所告官拜訖謁者引告官以次獻皆如獻祖

之儀

唯不盥洗

訖謁者引告官詣東序西向立諸太祝各以

爵酌鬯福酒合置一爵一太祝持爵進告官之左北向

立告官再拜受爵跪祭酒遂飲卒爵太祝進受爵復於

坵告官俛伏興再拜訖謁者引告官降復位諸太祝各

入室跪徹豆興還樽所

徹者籩豆各一少移於故處

奉禮曰再拜在

位者皆再拜

已飲福者不拜

奉禮曰再拜告官以下皆再拜訖

謁者進告官之左請就望瘞位奉禮贊者轉就瘞坎東

北位謁者引告官就望瘞位西向立於告官將拜諸太

祝各執篚進神坐前跪取幣興降自階詣瘞坎以制幣

置於坎訖奉禮曰可瘞坎東西面各四人寘土半坎謁

者進告官之左白禮畢謁者引告官贊引引執事者以

次出初白禮畢奉禮贊者還本位御史太祝以下俱復

執事位立定奉禮曰再拜御史以下皆再拜贊引引出

太廟令太祝宮闈令納神主如常儀其祝版燔於齋坊
歸與此禮同

大唐開元禮卷六十一

欽定四庫全書

大唐開元禮卷六十二

唐 蕭嵩等 撰

吉禮

皇帝巡狩

鑾駕出宮

燔柴告至

鑾駕還宮

望秩山川

肆覲東后

考制度

鑾駕出宮

將巡狩所司承制先頒告於東方諸州曰皇帝二月東巡狩
各脩平乃守考乃職事敢不敬戒國有大刑駕將發告園丘
宗廟社稷皆如上儀皇帝出宮備大駕鹵簿皆如常儀輶於
國門祭所過山川如親征之禮所經州縣刺史縣令先待於境
通事舍人承制問百年古先帝王名臣烈士皆州縣致祭

燔柴告至

將告將作預於太山下修園壇四出陛

若見有封禪祀
天壇即不須別

築
前告三日尚舍直長施大次於外壝東門之內道北

南向尚舍奉御鋪御坐守宮設文武侍臣次於大次之
後文官在左武官在右俱南向又設告官次於東壝之
外道南從官文官九品以上於告官之東東方諸州刺
史縣令應朝者於文官之東東方南方蕃客又於其東
俱重行每等異位北向西上鄜公介公於西壝之外道
南武官九品以上於介公之西西方北方蕃客又於其
西俱重行每等異位北向東上

其襲聖侯於文官三品之下若有諸州使人分

方於武官之後

設陳饌幔於內壝東門之外道南北向前二日

太樂令設宮懸之樂於壇南設登歌之樂於壇上並如

常儀右校掃除壇之内外郊社令積柴於燎壇

其壇於樂懸之

内外壇之內

方一丈高一丈二尺開上南出戶方六尺前一

日皇帝清齋於行宮預告之官皆於告所清齋一日近

侍之官應從升者及從告羣官諸方客使皆於其所俱

清齋一宿諸衛令其屬晡後一刻各以其方器服守衛

壝門與太樂工人俱清齋一宿奉禮設御位於壇之東

南南向設告官司徒位於內壝東門之內道南執事者

位於其後俱西面北上設御史位於壇下一位於東南西向一位於西南東向令史各陪其後設奉禮位於樂懸東北贊者二人在南差退俱西向設協律郎位於壇上南陛之西東向設太樂令位於北懸之間望燎壇之北設從祀之官位文官九品以上於執事之南東方諸州刺史縣令又於其南東方蕃客又於其南俱每等異位重行西面北上鄮公介公於內壝西門之內道南武官九品以上於鄮公介公之後當文官西方北方蕃客

於武官之南俱每等異位重行東面北上

其衆聖侯位於文官三品

之下若有諸州使人分位於文武官之後

設告官以下門外位於東西墻門

之外道南皆如設次之式郊社令率府史一人及齋郎

以樽坩罍洗篚罍入設於位並如常儀執樽罍篚罍者

各位於樽罍篚罍之後告日未明十五刻太官令帥宰

人令烹牲於厨

蒼牲一
騂牲一

未明四刻太史令郊社令各服

其服升設昊天上帝神坐於壇上北方南向席以藁秸

設高祖神堯皇帝神坐於東方西向席以莞設神坐各

於座首未明三刻諸告官各服其服郊社令良醞令各

帥其屬入實樽壘及玉

天帝太尊二配帝著尊二俱以汎齊其明水各寔於上尊玉以

蒼璧幣長一丈八尺

太祝以玉帛置於篚太官令帥進饌者奉饌

寔諸籩豆簋簋等皆設饌幔內未明二刻奉禮率贊者

先入就位贊引引御史太祝以下行掃除如常儀訖各

就位皇帝服袞冕乘輅發行宮奏請進發內外器服皆

如常儀駕將至謁者贊引各引告官通事舍人引從告

羣官東方刺史縣令諸方客使俱就門外位駕至大次

門外迴輅南向千牛將軍立於輅右侍中進當鑾駕前
跪奏稱侍中臣某言請降輅俛伏興還侍位皇帝降輅
之大次郊社令以祝版進署如常協律郎與太樂令帥
工人次入就位

其升堂者皆脫履於下降納如常

謁者贊引各引告官

通事舍人引從告群官刺史縣令及諸方客使次入就
位皇帝停大次半刻頃太常博士引太常卿立於大次
門外當門北向侍中版奏外辨皇帝出次華蓋侍衛如

常儀

侍中負簾陪從如式

博士引太常卿太常卿引皇帝

凡太常卿前導皆博士前

引至內墻門外殿中監進鎮珪華蓋仗衛停於門外侍

者從入如常皇帝至版位西向立

每立定太常卿與博士退立於左

太

常卿前奏稱請再拜退復位皇帝再拜贊者承傳

凡奉禮有

詞贊者皆承傳

衆官在位者皆再拜太常卿前奏有司謹具請

行事退復位協律郎跪俛伏舉麾

凡取物者皆跪俛伏而取以興奠物則奠訖俛

伏而後興

鼓祝奏豫和之樂乃以圜鐘為宮黃鐘為角太簇為徵姑

洗為羽樂舞六成偃麾戛敔樂止

凡樂皆協律郎舉麾工鼓祝而後作偃麾

戛敔而後止

太樂卿前奏稱請再拜退復位皇帝再拜奉禮曰

衆官再拜衆官在位者皆再拜太祝取玉於篚立於樽

所太常卿引皇帝太和之樂作

皇帝每行皆作太和之樂

皇帝詣壇

升自南陛近侍者從升如常儀皇帝升壇北向立樂止

太祝以玉授侍中侍中奉玉東向進皇帝搢鎮圭

凡受物則

搢鎮圭奠訖執圭俛伏興

受玉登歌作肅和之樂以大吕之均太常

卿引皇帝北向跪奠於昊天上帝神坐俛伏興太常卿

引皇帝少退北向再拜訖太常卿又引皇帝立於東方

西向配座太祝以幣授侍中侍中奉幣北向進皇帝受

幣太常卿引皇帝進東面跪奠於高祖神堯皇帝神坐
俛伏興太常卿引皇帝少退東向再拜訖登歌止太常
卿引皇帝樂作皇帝降自南陛還版位西向立樂止初
皇帝既升奠玉太官令出帥進饌者奉饌陳於內壝東
門之外謁者引司徒出詣饌所司徒奉天帝之俎初皇
帝既至位樂止太官令引饌入俎初入門奏雍和之樂
以黃鐘之均自後按神之樂皆奏黃鐘饌至陸樂止天帝之饌升自
南陛配帝之饌升自東陛諸太祝迎引於壇上各設於

神生前

籩豆蓋罍
徹之如式

設訖謁者引司徒以下降自東陛復

位諸太祝各還樽所太常卿引皇帝詣罍洗樂作皇帝
至罍洗樂止侍中跪取匱興沃水又侍中跪取盤興承
水皇帝盥手黃門侍郎跪取巾於匱興進皇帝悅手訖
受巾跪奠於匱遂取匏爵於匱興進皇帝受爵侍中酌
罍水又侍中奉盤皇帝洗爵黃門侍郎授巾皆如初皇
帝拭爵訖侍中奠盤匱黃門侍郎受巾奠於匱皆如常
太常卿引皇帝樂作皇帝詣壇升自南陛樂止謁者引

司徒升自東陛立於樽所齊郎奉俎從升立於司徒之後太常卿引皇帝詣天帝酒樽所執樽者舉罍侍中贊酌汎齊訖壽和之樂作

皇帝每酌獻飲福皆作壽和之樂

太常卿引皇

帝進天帝神坐前北面跪奠爵俛伏興太常卿引皇帝少退北向立樂止太祝持版進於神坐之右東面跪讀

祝文

祝文臨時撰

訖興皇帝再拜初讀祝文訖樂作太祝進

奠版於神坐還樽所皇帝拜訖樂止太常卿引皇帝詣配帝酒樽所執樽者舉罍侍中取爵於坫皇帝受爵侍

中贊酌汎齊訖樂作太常卿引皇帝進高祖神堯皇帝神
坐前東向跪奠爵俛伏興太常卿引皇帝少退東向立
樂止太祝持版進於神坐之右北面跪讀祝文訖興皇
帝再拜初讀祝文訖樂作太祝進奠版於神坐還樽所
皇帝拜訖樂止太常卿引皇帝進天帝神坐前北向立
樂作太祝各以爵酌壘福酒合置一爵一太祝持爵授侍
中侍中受爵西向進皇帝再拜受爵跪祭酒啐酒奠爵俛伏
興諸太祝各帥齊郎進俎太祝減神前胙肉

皆取前脚
第二骨

興以胙肉共置一俎上授司徒司徒奉俎西向進皇帝
受以授左右皇帝跪取爵遂飲卒爵侍中進受爵以授
太祝太祝受爵復於坵皇帝俛伏興再拜樂止太常卿
引皇帝樂作皇帝降自南陛西向立樂止謁者引司徒
降復位太祝各進徹豆還樽所徹者還豆各一少移於故處奉禮曰
賜胙贊者唱衆官再拜衆官在位者皆再拜豫和之樂
作太常卿前奏稱請再拜退復位皇帝再拜奉禮曰衆
官再拜衆官在位者皆再拜樂一成止太常卿前奏請

就望燎位太常卿引皇帝就望燎位南向立樂止羣官將拜諸太祝各以篚進神坐前取玉幣祝版齋郎以俎載牲體黍稷飯各由具陞降壇南行經柴壇西過壇東行自南陞登紫壇以玉幣饌物等置於柴上戶內奉禮曰可燎東西面各六人以炬燎火半柴太常卿前奏禮畢太常卿引皇帝還次樂作皇帝出內壇門殿中監前受鎮圭華蓋侍衛如常儀皇帝入次樂止謁者贊引各引告官通事舍人引從告羣官諸方客使以次出贊引

引御史太祝以下俱復執事位立定奉禮曰再拜御史
以下皆再拜贊引引工人以次出

鑾駕還行宮

皇帝既還大次侍中版奏請解嚴

將士不得
輒離部伍

皇帝改服

通天冠絳紗袍乘輅奏請還宮如常儀

望秩於山川

柴之明日望秩祀於岳鎮海瀆山林川澤丘陵墳衍原
隰將祭所司預為壇於祭所其神皆以尊卑為序重行

南向前三日守宮設祭官以下次於東壇之外道南北向
以西為上設陳饌幔於內壇東門之外道北南向前三
日太樂令設宮懸之樂於壇南設登歌於壇上如常儀
右校掃除壇之内外又為瘞瘠於壇北之壬地外壇之
内方深取足容物前一日諸祭官清齋於祭所諸衛令
其屬晡後一刻各以其方器服守衛壇門與太樂工人
俱清齋一宿奉禮設祭官位於內壇東門之内道北執
事位於道南俱西向北上設御史位於壇下一位於東

南西向一位於西南東向令史各陪其後設奉禮位於
樂懸東北贊者二人在南差退俱西向設協律郎位於壇
上南陛之西東向設太樂令位於北懸之間設望瘞位
於瘞埽之東西向設祭官以下門外位於外壝東門之
外道南每等異位北向西上設酒樽之位岳鎮海瀆各
山樽二山林川澤俱蠶樽二丘陵墳衍原隰俱散樽二
各於壇上南陛之東北向西上

其岳壇上加山罍二置
於山樽東北向皆加勺

畢設玉篚於樽坫之所設洗於壇南陛東南如常儀執

樽罍篚冪者各立於樽罍篚冪之後郊社令帥齋郎以樽
坵罍洗篚冪入設於位祭日未明十五刻太官令帥宰人
以鸞刀割牲齋郎以豆取毛血置於饌所遂烹牲未明二
刻太史令郊社令各服其服入設神坐各於壇上北方南
向席皆以莞設神位各於座首未明一刻祭官以下各服
其服郊社令良醢令入實樽罍及玉山樽實以醢齊蜃樽實以沈齊散樽及山
罍皆寔以清酒齊加明水酒加玄酒太祝以幣置於篚
各寔於上尊祭主之玉以兩珪有邸
太官令帥進饌者寔籩豆簠簋等奉禮帥贊者先入就

位贊引引御史太祝與執樽罍篚冪者入自東門當壇

南重行北面西上立定奉禮曰再拜贊者承傳

凡奉禮有詞贊

者皆承傳

御史以下皆再拜訖執樽罍篚冪者各就位贊引

引御史詣壇東陞升行掃除於上令史祝史行掃除於下訖引就位質明謁者引獻官贊引引執事者俱就東門外位太樂令帥工人次入就位謁者贊引各引獻官以下入就位立定奉禮曰再拜在位者皆再拜謁者進獻官之左白有司謹具請行事退復位協律郎跪俛

伏舉麾

凡取物者皆跪俛伏而取以興奠物則奠訖俛伏而後興

鼓枹奏順和之樂以蕤賓

之均

自後堂下之樂皆奏姑洗

樂舞三成偃麾戛敔樂止

凡樂皆協律郎舉麾工鼓枹而

後作偃麾戛敔而後止

奉禮曰再拜獻官以下皆再拜太祝取玉於

篚立於樽所謁者引獻官詣岳壇升自南陛北向太祝以玉幣東面授獻官登歌作肅和之樂以函鍾之均謁者引獻官進北面跪奠於岳神坐俛伏興謁者引退北向再拜訖登歌止謁者引獻官降自南陛還本位初獻官升陸奠玉幣太官令出帥進饌者奉饌陳於東門外

於登歌止太官令引饌入俎初入門雍和之樂作饌至

陸樂止饌升南陸太祝迎引於壇上設於岳神坐前

遵豆

蓋罍徹
之如式

設訖太官令以下降自東陸以出太祝還樽所

其鎮海以下之饌皆祝史迎於壇上設於神坐前相次

而畢訖謁者引獻官詣罍洗盥手洗爵謁者引升自南

陸詣酒樽所執樽者舉罍獻官酌醴齊訖樂作謁者引

詣岳神坐前北面跪奠爵興謁者引獻官少退北面立

樂止初獻官進奠爵太祝各以爵酌酒助奠鎮海以下

還樽所太祝持版進於神坐之右東面跪讀祝文

祝文
臨時

撰

訖興獻官再拜初讀祝文訖樂作太祝進奠版於神

坐還樽所獻官拜訖樂止太祝酌鬯福酒進獻官之右西

向立獻官再拜受爵跪祭酒啐酒奠爵興太祝帥齋郎

進俎太祝減神前三牲胙肉

皆取前脚
第二骨

加於俎西向授

獻官受以授齋郎獻官跪取爵遂飲卒爵太祝受爵

復於坫獻官興再拜謁者引獻官降復位諸祝各進徹

豆如常訖還樽所奉禮曰賜胙贊者唱再拜在位者皆

再拜

獻官不拜

順和之樂作奉禮又曰再拜獻官以下皆再

拜樂作一成止謁者進獻官之左白請就望瘞位贊者
引獻官就望瘞位西向立於衆官將拜諸太祝各執篚
進神坐跪取玉幣齋郎以俎載毛血等各由其陞降壇
詣瘞坎以物置於坎訖奉禮曰可瘞塹東西各四人寘
土半坎謁者進獻官之左白禮畢遂引出贊引引執事
者以次出又贊引引御史太祝以下俱復執事位奉禮
曰再拜御史以下皆再拜訖出贊引引工人以次出其

祝版燭於齋所

肆覲東后

望秩之明日肆覲東后於告至之前刺史縣令皆先奉
見如常將作預於行宮之南為壇宮方三百步面一門
為壇於壇內三分壇二在南壇方九尺六丈高九尺出陞四
南面兩陞餘三面各一陞前二日太樂令設宮懸之樂於壇南如殿
庭之儀前一日尚舍鋪御坐於壇上近北南向又設解
劍席於南陞之西守宮於門外量設百官次文東武西

以北為上東方刺史縣令次於文官之南蕃客次於武
官之南所司陳輦輅於壇南如常典儀設羣官版位文
官一品以下九品以上位於壇東南每等異位重行西
向以北為上武官一品以下九品以上位於壇西南當
文官每等異位重行東面以北為上東方刺史縣令於
壇南三分庭一在南每等異位重行北面以西為上若
有蕃客則位於刺史之西每國異位重行北面以東為
上設典儀位於南陛之東贊者二人在南差退俱西面

北上奉禮設門外位文官一品以下九品以上位於門東每等異位重行西面武官一品以下九品以上位於門西每等異位重行東面俱以北為上設東方刺史縣令位於文官之南每等異位重行西面以北為上蕃客位於武官之南每等異位重行東面以北為上其日未明三刻諸衛各以其方器服量設牙旗於墻外四面未明一刻諸衛各勒所部列黃麾大仗及鈇戟陳於墻內如殿庭之儀羣官及刺史以下各集就次服其朝服蕃

客集次各服其國服侍中版奏請中嚴近伏陳於行宮
門外侍衛之官各服其器服符寶郎奉寶俱詣行宮門
外奉迎典儀帥贊者先入就位吏部兵部主客戶部贊
羣官客使俱出次通事舍人各引就門外位刺史縣令
俱執贊通事舍人引就門外位贊各以其土所有錦綺
繒布葛越之屬俱五兩
為一束而執之
仍飾以黃帊其餘常土貢之物並盛以筐其屬執之

列於縣令位後通事舍人引文官武官一品以下九品
以上先入就位侍中版奏外辦皇帝將出仗動太樂令

令撞黃鐘之鐘右五鐘皆應協律郎舉麾工鼓祝奏太

和之樂

凡樂皆協律郎舉麾工鼓祝而後作偃麾戛鼓而後止

皇帝服袞冕乘輿

以出曲直華蓋警蹕侍衛如常儀皇帝入自北墻門由

北陛升壇即御坐南向坐符寶郎奉寶置於御坐樂止

腰輿退羽儀華蓋仍侍於御側通事舍人引東方刺史

入就位鴻臚引蕃客次入就位初刺史入墻門懸下舉

麾舒和之樂作立位立定樂止典儀曰再拜贊者承傳

執贊者跪奠贊興在位者皆再拜訖跪取贊興

凡拜奠贊皆興

侍中前承制降詣刺史東北西面立稱有制

蕃客則舍人承旨詣前宣

勅

刺史以下皆再拜宣制訖又再拜戶部引諸州貢物

兩行各入於刺史位前東西陳之龜為前列金次之丹
漆絲纈四海九州之美物重行陳於後訖陳物者各退
立於東西廂文武前側立通事舍人引刺史為首者一
人執贄詣解劍席跪解劍脫舄執贄興舍人接引升
壇詣御坐前北面跪奏稱具官臣姓名等敢獻壤奠遂奠
贄俛伏興又舍人跪舉以東授所司舍人引刺史降詣

解劔席跪佩劔納烏興通事舍人引復北面位初為首者奠贄通事舍人引在庭者以次奠贄於位前訖俛伏興引退復位訖刺史以下俱再拜戶部尚書進詣陞間北面跪奏稱戶部尚書臣某言諸州貢物請付所司俛伏興侍郎前承詔退稱制曰可尚書退復位所司受贄其執貢物人各進執物所司引退俱出東門初刺史將朝中書侍郎以諸州鎮表文別於一案俟於西門外給事中祥瑞案俟於東門外俱令史絳公服對舉案侍

郎給事中俱就侍臣班初刺史將入門中書侍郎降引表案入
詣西階下東面立給事中降引祥瑞案入詣東階下西面立刺
史將升奠中書令黃門侍郎俱降立於階下刺史執贄升階
中書令黃門侍郎各取所奏之文以次升初度支尚書奏退
復位訖中書令前跪奏諸方表訖黃門侍郎又前跪奏祥瑞
各還侍位侍郎與給事中引案退典儀曰再拜贊者承
傳文武羣官刺史以下諸州客使俱再拜訖通事舍人
以次引北面位者出就門外位侍中前跪奏稱侍中臣

某言禮畢俛伏興還侍位皇帝興太樂令令撞蕤賓之鐘左右鐘皆應太和之樂作皇帝乘輿降自北陛警蹕侍衛如來儀入行宮樂止通事舍人引東西面位者以次出設會如正會之儀

考制度

朝覲之明日左右丞相以考制度事奏聞命太常卿採詩陳之以觀百姓之風俗命市納賈以觀百姓之好惡命典禮者考時月定日同律禮樂制度衣服正之山川

神祇有不舉者為不敬宗廟有不順者為不孝不孝不敬者則長官黜以爵革制度衣服者為叛叛者長官有討有功德於百姓者加爵賞五月南巡狩至於南嶽如東巡狩之禮八月西巡狩至於西嶽如南巡狩之禮十一月北巡狩至於北嶽如西巡狩之禮歸格於祖禰用特如別禮若登封告禪如別儀

大唐開元禮卷六十二

欽定四庫全書

史部

大唐開元禮卷六十三至七十二

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣劉宗望

欽定四庫全書

大唐開元禮卷六十三

唐 蕭嵩等 撰

吉禮

皇帝封祀於泰山

鑾駕進發

齋戒

制度

陳設

省牲器

鑾駕上山

薦玉帛

進熟

封玉冊

燔燎

鑾駕還宮

鑾駕進發

皇帝將有事於泰山有司卜日如別儀告昊天上帝太廟

太社皆如巡狩之禮

告太廟高祖祝文加封祀配神作主之意
意告睿宗祝文加禪祭配神作主之意

皇

帝出宮備大駕鹵簿輶於國門祭所過山川古先帝名臣

烈士皆如巡狩之禮通事舍人承制門百年所經州縣刺史

縣令先待於境至泰山下柴告昊天上帝於圜丘壇如巡

狩告至之禮

有司攝事

前祀所司以太牢祭於泰山神如常式

齋戒

前祀七日平明太尉誓百官於尚書省曰某月某日皇帝有事於泰山各揚其職不供其事國有常刑皇帝散齋於行宮後殿四日致齋於前殿三日前致齋一日尚舍奉御設御幄於前後西序及室內俱東向尚舍直長張帳於前楹下致齋之日質明諸衛勒所部屯門列仗晝漏上水一刻侍中版奏請中嚴諸衛之屬各督其隊

入陳於殿庭如常儀通事舍人分引五品以上陪如式

文官朝服
武官袴褶諸侍衛之官各服其器服諸侍臣並結珮俱

詣閣奉迎上水二刻侍中版奏外辦皇帝服袞冕結珮

出自西房曲直華蓋警蹕侍衛如常儀皇帝即御坐東

向坐侍臣夾侍如式一刻頃侍中前跪奏稱侍中臣某

言請降就齋室俛伏興還侍位侍臣等各退出皇帝

降坐入室文武侍臣各還省直衛者如常凡預祭之官

散齋四日致齋三日

散齋皆於正寢致齋二日於本司
一日於祀所具無本司者皆於祀

所近侍之官應從升者及從祀羣官諸方客使各於本

司及公館清齋一宿散齋理事如舊唯不弔喪問疾不

作樂不判署刑殺文書不行刑罰不預穢惡致齋唯祀

事得行其餘悉斷其祀官已齋而闕者通攝行事凡祀

官致齋之日給酒食給明衣各習禮於齋所光祿卿監

取明水火

太官令取水於陰鑒取水於陽燧大以供爨水以實尊

前祀一日諸衛

令其屬未後一刻各以其方器服守衛壝門

每門二人每隅一人

與太樂工人清齋一宿

制度

將作大匠預領徒於泰山上立圓臺廣五丈高九尺土色各依方色又於圓臺上起方壇廣一丈二尺高九尺其臺壇四面各為一陛玉牒長一尺三寸廣五寸厚

五分刻牒為字以金填之用金匱盛

其玉牒文中書門下奏取進止其文

請內鑄其石檢等並如後制

郊社令積柴為燎壇於山上圓臺之東

南量地之宜柴高一丈二尺方一丈開上南出戶方六尺又為圓壇於山下三成十二陛如圜丘之制隨地之

宜壇上飾以玄四面依方色壇外為三壇郊社令又積柴於壇南燎如山上之儀又為玉冊皆以金繩連編玉牒為之每牒長一尺二寸廣一寸二分厚三分刻玉填金為字

少府監量大
多少為字

又為玉匱一長一尺三寸並檢方

五寸當纏繩篆刻為五道當封寶篆刻深二分方取容受命寶印以藏正坐玉冊制度如玉匱又為黃金繩以纏玉匱金匱各五周為金泥以封玉匱金匱又為石礎以藏玉匱用方石再累各方五尺厚一尺從鑿石中廣深

令容玉匱礧旁施檢篆皆刻深三寸三分濶一尺南北
各二東西各三去隅皆七寸纏繩篆皆刻深三分濶一
寸五分為石檢十枚以檢石礧皆長三尺濶一尺厚七
寸皆刻為三道廣一寸五分深四寸當封篆大小取容
寶印深二寸七分皆有石蓋制與封刻篆相應以檢
檄封印其檢立於礧旁當刻篆又為金繩三以纏石礧
各五周徑三分為石泥以封石礧

以石末和方色土為
之其封玉匱金匱石

撼用受命寶并所
司量時預奏請出

為距石一十二枚皆濶二尺厚一尺

長一丈斜刻其首令與礧隅相應分距撼四隅皆再累
為五色土圓封以封石礧上徑一丈二尺下徑三丈九尺

陳設

前祀三日衛尉設文武侍臣次於山下封祀壇外壝東
門之內道北階間文官在左武官在右俱南向設諸祀官
次於東壝之外道南北向西上三師南壝之外道東諸
王於三師之南俱西向北上文官從一品以下九品以
上於祀官之東皇親五等以上諸親三等以上於文官

之東東方諸州刺史縣令又於文官之東俱北向西上
介公鄺公於南墻之外道西東向諸州使人於介公鄺公
之西東向諸方之客東方南方於諸王東南西向西方北
方於介公鄺公西南東向皆以北為上武官三品以下九
品以上於西墻之外道南北向東上設陳饌幔於內墻
東門西門之外道北南向北門之外道東西向壇上及東方之
饌陳于東門外南方及西方之饌陳於北門外前祀二日太樂令
設宮懸之樂於山下封祀壇之南內墻之外東方西方

磬簾起北鐘簾次之南方北方磬簾起西鐘簾次之設
十二鐃鐘於編懸之間各依辰位樹雷鼓於北懸之內
道之左右植建鼓於四隅置祝敔於懸內

祝在左
敔在右

設歌

鐘歌磬於壇上近南北向磬簾在西鐘簾在東其匏竹
者立於壇下重行北向相對為首

凡懸皆展
而編之

諸工人各

位於懸後東方西方以北為上南方北方以西為上右
校掃除壇之内外前祀一日奉禮郎設祀官公卿位於山
下封祀壇內壇東門之外道南分獻之官於公卿之南

執事者位於其後每等異位重行西面北上設御史位於東陛之東南向設奉禮位於樂懸東北贊者二人在南差退俱西向設協律郎位於壇上南陛之西東向設太樂令位於北懸之間當壇北向設從祀之官位三帥位於懸南道東諸王位於三師之東俱北面西上介公鄩公位於道西北面東上文官從一品以下九品以上位於執事之南東方諸州刺史縣令又於文官之南每等異位重行西向俱以北為上武官三品以下九品

以上位於西方值文官皇親五等以上諸親三等以下
於武官之南每等異位重行東向諸州使人位於內壝
南門之外道西重行東面皆以北為上設諸國客使位於
內壝南門之外東方南方於諸王東南每國異位重行北面
以西為上西方北方於介公鄺公西南每國異位重行北面
以東為上其褒聖侯位於
文官三品以下設牲勝於山下封祀壇之外
當門西向蒼牲一居前正座又蒼牲一配座青牲一在北少
退南上次赤牲一次黃牲一次白牲一次玄牲一以上
一方

帝座又青牲一大明又白牲一明夜設廩犧令位於牲西南令

史陪其後俱北向設太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向設昊天上帝酒樽位於圓臺壇之上下太樽二著樽二犧樽二山罍二在壇上於東南隅北向象樽二壺樽二山罍四在壇下皆於南陛之東北向西上設配帝著樽二犧樽二象樽二山罍二在壇上皆於昊天酒樽之東北向西上其山下封祀壇設五帝

日月俱太尊二在神座之左其內官每陞間各象樽二在

第二等中官每陞間各壺樽二在第三等外官每陞間各

概樽二於內壝之內衆星每道間各散樽二於內壝之外凡

樽各設於神坐之左而右向

五帝日月以上之尊置於壝內官以下之尊俱藉以席皆加勺畢設爵于

尊下設壘洗各於壇南陞東南亞獻之洗又於東南俱北向壘水

在洗東篚在洗西南肆

篚實以中爵

設分獻壘洗篚畢各於其方

陞道之左俱內向執樽壘篚畢者各於樽壘篚畢之後各設

玉幣之篚於壇之上下樽坫之所祀日未明五刻太史令郊社令

各服其服升設昊天上帝神坐於山上圓臺之上北方南向以三脊茅為神藉設高祖神堯皇帝神坐於東方西向席以莞設神坐皆於坐首又太史令郊社令設五方帝日月神坐於山下封祀壇之上青帝於東陞之北赤帝於南陞之東黃帝於南陞之西白帝於西陞之南黑帝於北陞之西大明於東陞之南夜明於西陞之北皆以藁秸設五星十二辰河漢及內官之坐於第二等十有二陞之間各依方面几席皆內向其內官中有北斗北辰位於南陞之內差在行位前設二十八

宿及中官之座於第三等亦如之布外官席位於內壝之內衆星席位於內壝之外各依方次席皆以莞設神坐各於坐首所司陳異寶及嘉瑞等於樂懸之北東西廂

省牲器

省牲之日午後十刻去壇二百步所諸衛之屬禁斷行人
晡後二刻郊社令丞帥府史三人及齋郎以樽坩罍洗篚
幕入設於位凡升壇者各由其陞贊引引御史諸太祝詣壇東陞御史
二人升行掃除於上太祝七人與祝史行掃除於下訖引降

還齋所奉禮以下還齋所晡後三刻諸太祝與廩犧令以牲就版位贊者引太常卿贊引引御史入詣壇東陞升視滌濯

及玉

凡導引者每曲一逡巡於視滌濯執尊者舉羃告潔

訖引降就省牲位南向立廩

犧令少前曰請省牲退復位太常卿省牲犧牲令又前北面

舉手曰膺還本位諸太祝各循牲一匝西面舉手曰充俱還

本位諸太祝與廩犧令以次牽牲詣厨授太官其五星以下

羊豕所司各依令預備如常儀謁者引光祿詣厨省鼎鑊申

視濯既謁者贊引各引御史祀官就厨省饌及五齊三酒訖

俱還齋所祀日未明十五刻太官令帥宰人以鸞刀割牲祀史以豆取毛血各置於饌所遂烹牲

鸞駕上山

前祀三日本司宣攝內外各供其職衛尉設祀官羣官五品以上便次於行宮朝堂如常儀前祀二日尚舍直長施大次於圓臺東門外道北又於山中道設止息大次俱南向尚舍奉御鋪御坐衛尉設從駕文武羣官及諸方便應從升者次於圓臺南門之外大東武西並如

常儀郊社令設御洗圓臺南陛之東北向壘水在洗東

簋在洗西南肆

設布

其日奉禮設御位於圓臺南當壇

北向設群官五品以上版位於御位之南又東武西重
行北向相對為首設東方諸州刺史縣令位於文官之
東諸州使人位於武官之西設蕃客位東方南方於文
官東南每國異位北面西上西方北方於武官西南每
國異位北面東上設御史位於圓臺東西如祀禮設奉
禮贊者位於群官東北西面設執事位於東門之內道

南西面皆北上前祀一日未明七刻槌一鼓為一嚴

三嚴

時節祀前一日
節侍中奏哉

未明二刻槌二鼓為再嚴侍中版奏請

中嚴從祀官五品以上俱就次各服其服所司陳大駕

鹵簿未明二刻槌三鼓為三嚴諸衛之屬各督其隊與

鈇戟以次陳於行宮門外謁者贊引各引祀官通事舍

人分引從祀羣官諸侍臣結珮俱詣行宮門外奉迎

侍中

負寶
如式

乘黃令進輦於行宮門外侍中版奏請登山皇帝

服袞冕乘輦以出警蹕如常儀黃門侍郎進當駕前跪

奏稱黃門侍郎臣某言請鑾駕進發俛伏興退復位鑾
駕動又稱警蹕黃門侍郎侍中中書令以下夾引以出千
牛將軍夾輦而趨駕至侍臣上馬所黃門侍郎奏請鑾
駕權停勅侍臣上馬侍中前承制退稱制曰可黃門侍
郎退稱侍臣上馬贊者承傳文武侍臣皆上馬諸侍衛之
官各督其屬左右翊駕在黃麾內符寶郎奉六寶與殿
中監後部從在黃鉞內侍臣上馬畢黃門侍郎奏稱鑾
駕進發退復位鑾駕動稱警蹕如常鼓吹不鳴不得喧

謹從祀官在玄武隊後如常

若須先置則聽臨時節度

車輅鼓吹待於山

下御史大夫刺史縣令前導如式至中道止息大次前廻輦南向侍中奏請降輦如常皇帝降輦之大次羣官皆隨便而舍停大次三刻頃侍中奏請皇帝出次升輦進發如初駕至臺東門外大次前廻輦南向侍中進當駕前跪奏稱侍中臣某言請降輦俛伏興還侍位皇帝降輦之大次如常儀通事舍人承旨勅從祀羣官退就門外位

奠玉幣

祀日未明三刻諸祀官各服其服郊社令帥其屬以玉

幣及玉冊置於山上圓臺壇上坵所

禮神之玉以蒼幣以蒼幣配坐

之幣亦如之

又以玉賁金賁金繩金泥盛於篚置於石礎

之側良醞令帥其屬各入實樽罍玉幣

凡六尊之次太尊為上賁

以汎齊著尊次之寔以醴齊犧尊次之寔以盎齊象尊次之寔以醢齊壺尊次之寔以沈齊山罍為下寔以清酒配帝著尊為上寔以汎齊犧尊次之寔以醴齊象尊次之寔以盎齊山罍為下寔以清酒其玄酒各寔於五齊之上尊禮神之玉昊天上帝以蒼璧上帝及配帝之幣以蒼

太官令帥進饌者寔諸

籩豆簋簠各於饌幔內未明二刻奉禮帥贊者先入就

位贊引引御史以下入行掃除如常儀未明一刻謁者

贊引各引文官五品以上從祀之官皆就圓臺南位謁

者引司空入行掃除訖出復位侍中版奏外辦皇帝服

大裘而冕出次華蓋侍衛如常儀

侍中負寶
陪從如式

博士引太

常卿太常卿引皇帝

凡太常卿前導
皆博士先引

入自東門殿中監

進大珪尚衣奉御又以鎮珪授殿中監殿中監受進皇

帝搢大珪執鎮珪繅藉華蓋仗衛停於門外近侍者從

入如常謁者引禮部尚書太常少卿陪從如常

大珪如
惜不便

欽定四庫全書

大禮記元禮
卷六十三

請預定近侍承捧

皇帝至版位北向立

每立定太常卿與博士退立於左

謁者

贊引各引祀官次入就位立定太常卿前奏稱請再拜退復位皇帝再拜奉禮曰再拜衆官在位者皆再拜太常卿前奏有司謹具請行事退復位正座配座太祝取玉幣於篚各立於樽所太常卿引皇帝詣壇升自南陛侍中中書令以下及左右侍衛量人從升

以下皆如之

皇帝

升壇北向立太祝加玉於幣以授侍中侍中奉玉幣東向進

皇帝揖鎮珪受玉幣

凡受物皆揖鎮珪奠訖執鎮珪俛伏興

登歌作肅和

之樂以大呂之均太常卿引皇帝進北面跪奠於昊天上帝神坐俛伏興太常卿引皇帝少退北向再拜訖太常卿引皇帝立於西方東向又太祝以幣授侍中侍中奉幣北向進皇帝受幣太常卿引皇帝進東面跪奠於高祖神堯皇帝神坐俛伏興太常卿引皇帝少退東向再拜訖登歌止太常卿引皇帝樂作皇帝降自南陛還版位西向立樂止諸太祝還樽所

山下封祀壇

其日自山下五步立一人直至下壇遙呼萬歲以為節候

祀日未明三刻諸祀官各服其服郊社令帥其屬以五

帝及日月中外官以下之玉幣各置於坫所

五帝之玉以四圭有

邸日月以珪璧幣各以方色

良醢令帥其屬各入實樽罍玉幣

五帝俱以

太尊皆實以汎齊日月之尊實以醴齊內官之象尊實以醴齊中官之壺尊實以沈齊外官之概尊實以清酒衆星之散尊實以旨酒其玄酒各實於五齊之上尊禮神之玉青帝以青珪赤帝以赤璋黃帝以黃琮白帝以

騶虞黑帝以玄璜日月以珪邸天帝日月以下幣皆從方色

太官令帥進饌者實簋

豆簋簠各設於饌幔內未明二刻奉禮帥贊者先入就位

贊引引御史以下入行掃除如常儀未明一刻謁者贊

引各引祀官皆就位太樂令帥工人二舞次入文舞入

陳於懸內武舞立於懸南道西謁者引司空入行掃

除訖出復位於皇帝奠玉幣封祀壇謁者贊引各引

祀官入就位立定奉禮曰衆官再拜衆官在位者皆

再拜

其先拜者不拜

協律郎跪俛伏舉麾

凡取物者皆跪俛伏而取以興

奠物則奠訖俛伏而後興

鼓祝奏豫和之樂乃以圜鐘為宮黃

鐘為角太簇為徵姑洗為羽

圜鐘三奏黃鐘太簇姑洗各一奏

舞文舞

之舞樂舞六成偃麾戛敔樂止

凡樂皆協律郎舉麾工鼓祝而後作偃麾

戛敬樂止

奉禮曰衆官再拜衆官在位者皆再拜謁者七人各引獻官及諸太祝奉玉幣各進奠於神座如常儀將進奠登歌作肅和之樂以大吕之均餘星座幣亦如之進奠訖各還本位初羣官拜訖夜明以上祝史各奉毛血之豆立於門外登歌止祝史奉毛血入壇上各由其陞升壇下毛血各詣其座諸太祝俱迎受各奠於神座前諸太祝與祝史退立於樽所

進熟

皇帝既升奠玉幣太官令出帥進饌者奉饌各陳於內壝門外謁者引司徒出詣饌所司徒奉昊天上帝之俎初皇

帝既至位樂止太官令引饌入俎初入門雍和之樂作以黃

鍾之均

自後接神之樂皆用雍和

饌至陞樂止祝史俱進跪徹毛血之豆

降自東陞以出昊天上帝之饌升自午陞配帝之饌自卯升

陞諸太祝迎引各設於神座前

遷豆盞畢徹之如式

設訖謁者引司

徒太官令帥進饌者俱降自東陞以出司徒復位諸太

祝各還樽所太常卿引皇帝詣罍洗樂作皇帝至罍洗
樂止侍中跪取匱興沃水又侍中跪取盤盂承水皇帝
盥手黃門侍郎跪取巾於匱興進皇帝悅手訖黃門侍
郎受巾跪奠於匱黃門侍郎又取匏爵於匱興進皇帝
受爵侍中酌罍水又侍中奉盤皇帝洗爵黃門侍郎又
授巾皆如初皇帝拭爵訖侍中奠盤匱黃門侍郎受巾
奠於匱皆如初太常卿引皇帝樂作皇帝詣壇升自南
陛訖樂止謁者引司徒升自東陛立於樽所齋郎奉俎

從升立於司徒之後太常卿引皇帝詣昊天上帝酒樽

所執樽者舉冪侍中贊酌汎齊訖壽和之樂作

皇帝每酌獻及

飲福皆作壽和之樂

太常卿引皇帝進昊天上帝神坐前北向跪

奠爵俛伏興太常卿引皇帝少退北向立樂止太祝二

人持玉冊進於神坐之右東面跪又太祝一人跪讀玉

冊文訖俛伏興

冊文中書門下撰進少府監刻文

皇帝再拜初讀祝文

訖樂作太祝進奠冊於神坐還樽所皇帝拜訖樂止太

常卿引皇帝詣配帝酒樽所執樽者舉冪侍中取爵於

圻進皇帝受爵侍中贊酌汎齊訖樂作太常卿引皇帝進
高祖神堯皇帝神坐前東向跪奠爵俛伏興太常卿引
皇帝少退東向立樂止太祝二人持玉冊進於神坐之
左北面跪又太祝一人跪讀冊文訖俛伏興皇帝再拜
初讀冊文訖樂作太祝進奠冊於神坐還樽所皇帝拜
訖樂止太常卿引皇帝進昊天上帝神坐前北向立樂
作太祝各以爵酌上樽酒合置一爵一太祝持爵授侍
中侍中受爵西向進皇帝再拜受爵跪祭酒啐酒奠爵

俛伏興太祝各帥齋郎進俎太祝臧神前胙内

皆取前脚第二

骨

共置一俎上太祝持俎以授司徒司徒奉俎西向進

皇帝受以授左右謁者引司徒降復位皇帝跪取爵遂
飲卒爵侍中進受爵以授太祝太祝受爵復於坵皇帝
俛伏興再拜樂止太常卿引皇帝樂作皇帝降自南陛
還版位西向立樂止皇帝獻將畢謁者引太尉詣罍洗
盥手洗匏爵訖謁者引太尉自東陛升壇詣昊天上帝
著樽所執樽者舉纂太尉酌醴齋謁者引太尉進昊天

上帝神坐前北向跪奠爵興謁者引太尉少退北面再拜謁者引太尉詣高祖神堯皇帝神坐犧樽所取尊於坩執樽者舉罍太尉酌醴齊謁者引太尉進高祖神堯皇帝神座前東向跪奠爵興謁者引太尉少退東向再拜謁者引太尉進昊天上帝神座前北向立太祝以爵酌壘福酒合置一爵一太祝持爵進太尉之右西向立太尉再拜訖受爵跪祭酒遂飲卒爵太祝進受爵復於坩太尉興再拜謁者引太尉降復位初太尉獻將

畢謁者引光祿卿詣罍洗盥手洗匏爵升酌盞齊終獻如
亞獻之儀訖謁者引光祿卿降復位初皇帝將升獻太官令
引饌入其山下封祀壇五帝日月以下之饌亦相次而入俎初
入門雍和之樂作以黃鐘之均饌至陞樂止祝史俱進跪徹
毛血之豆降自東陞以出木帝之饌升自寅陞火帝之饌升
自巳陞土帝之饌升自未陞金帝之饌升自酉陞水帝之饌
升自子陞太明之饌升自辰陞夜明之饌升自戌陞其內官
中官衆星之饌所由師長皆先陳布設訖謁者引司徒太

官令帥進饌者俱降自東陛以出司徒復位諸太祝各還樽所於山上太尉之亞獻也封祀壇謁者七人分引五方帝及大明夜明等獻官詣罍洗盥手洗匏爵訖各由其陞升詣第一等俱酌汎齊訖各跪奠於神座前興各引降還本位初第一等獻官將獻謁者五人次引獻官各詣罍洗盥洗訖各由其陞升詣第二等內官酒樽所俱酌醴齊各進跪奠爵於內官首座興餘坐皆祝史齋郎助奠相次而畢謁者各引獻官還本位初第二等獻官將獻謁者四人次引獻官俱詣罍洗盥洗各由其

陞升壇詣第三等中官酒樽所俱酌盞齊以獻贊引四人
次引獻官詣盥洗盥洗訖詣外官酒樽所俱酌醴齊以獻
贊引四人次引獻官詣盥洗詣衆星酒樽所俱酌沈齊以
獻其祝史齋郎酌酒助奠皆如內官之儀訖謁者贊引各
引獻官還本位武舞六成樂止舞獻俱畢上下諸祝各進
跪徹豆興還樽所徹者還豆各一少移於故處奉禮曰賜胙贊者唱衆
官再拜衆官在位者皆再拜樂作一成止

燔燎

終獻將畢侍中前跪奏曰請就望燎位太常卿引皇帝就望燎位太祝奉玉幣等就柴壇置於柴上戶內訖奉禮曰可燎東西面各六人以炬燎火半柴侍中跪奏禮畢太常卿引皇帝出贊引引祀官以下皆出其山下封祀壇獻官獻畢奉禮曰請就望燎位諸獻官俱就望燎位諸太祝各取玉幣等就柴壇有南陛升於柴上戶內訖奉禮曰可燎東西面各六人以炬燎火半柴訖奉禮曰禮畢獻官以下皆出

封玉冊

燔燎畢侍中前跪奏稱具官臣某言請封玉冊太常卿

引皇帝自南陛升壇北向立

近侍者從升如式少府監具金龜金泥等并所用物

立於御側符寶郎奉受命寶立於侍中之側謁者引太尉進昊天上帝神坐前

跪取玉冊置於案進皇帝受玉冊跪疊之納於玉匱中纏

以金繩封以金泥侍中取受命寶跪以進皇帝取寶以印

玉匱訖興侍中受寶以授符寶郎通事舍人引太尉進

皇帝跪捧玉匱授太尉太尉跪受皇帝興太尉退復位

側身奉玉匱太常卿前奏請再拜皇帝再拜訖入次如

常儀太尉奉玉匱之案於石礧南向立執事者發石
蓋太尉奉玉匱跪藏於石礧內執事者覆石蓋檢以石
檢纏以金繩封以石泥訖太尉以玉寶遍印訖引降復
位將作帥執事者以石距封固又以五色土圜封後續
令畢功其配座玉牒封於金匱皆如封玉匱之儀訖太

尉奉金匱從降俱復位

封禪還以金匱內太廟藏於高祖神堯皇帝之右室如別儀

太常卿前奏禮畢

若有祥瑞則太史監跪奏訖侍臣奉賀再拜三稱萬歲內外皆稱萬歲訖

又再拜

太常卿引皇帝還大次樂作皇帝還大次出東門

殿中監前受鎮珪以授尚衣奉御殿中監又受大珪華
蓋侍衛如常皇帝入次樂止謁者贊引各引祀官通事
舍人分引從祀羣官以次出復位立定奉禮曰再拜衆
官在位者皆再拜訖贊引引出工人二舞以次出

鑾駕還宮

皇帝既還大次侍中版奏請解嚴

將士不得
輒離部位

轉仗衛於

還途如來儀二刻頃侍中版奏請中嚴皇帝冠通天冠
絳紗袍諸祀官服朝服三刻頃謁者贊引各引祀官通

事舍人分引從祀羣官侍臣詣大次奉迎乘黃令進輦於大次門外南向領左右十牛將軍立於輦右侍中版奏外辦皇帝出次升輦降山千牛將軍夾輦而趨警蹕導從如常皇帝下至圓臺所權停乘黃令進玉輅太僕升執轡侍中進當駕前跪奏稱侍中臣某言請降輦升輅俛伏興還侍位皇帝降輦升輅太僕立授綏文武侍臣皆上馬皇帝勅車右升領左右將軍升輅陪乘侍臣上馬畢黃門侍郎跪奏請鑾駕進發退復位鑾駕動

侍衛警蹕如常駕至行宮門外迴輅南向領左右將軍
降立於輅右侍臣下馬訖侍中進當鑾駕前跪奏稱侍
中臣某言請降輅俛伏興還侍位皇帝降輅入侍臣從至
閣通事舍人承旨勅羣官并還皇帝既入侍中版奏請
解嚴叩鉦將士各還其所

大唐開元禮卷六十三